



Broj: 01-1-16-3-1532-29-2/17

Mostar, 17.11.2017. godine

Na osnovu člana 56. Zakona o hrani („Službeni glasnik BiH“, broj 50/04), 61. Zakona o upravi („Službeni glasnik BiH“, br. 32/02 i 102/09), člana 70. stav (1) Zakona o javnim nabavkama („Službeni glasnik BiH“, broj 39/14), člana 27. Pravilnika o javnim nabavkama (broj: 01-1-02-3-86/15 od 23.01.2015. godine), shodno prijedlogu Komisije za provođenje postupka javne nabavke za LOT 1 Nabavka kancelarijskog materijala (broj: 01-1-16-3-1532-29-1/17 od 16.11.2017. godine), direktor Agencije za sigurnost hrane Bosne i Hercegovine, donosi:

ODLUKU

o izboru najpovoljnijeg dobavljača za LOT 1 Nabavka kancelarijskog materijala

I

Prihvata se prijedlog Komisije za provođenje postupka javne nabavke za LOT 1 Nabavka kancelarijskog materijala te se Ugovor za javnu nabavku roba: Nabavka kancelarijskog materijala za LOT 1 dodjeljuje dobavljaču DEFTER d.o.o. Sarajevo Gatačka 20 71000 Sarajevo, sa cijenom ponude od 4.892,15 KM bez PDV-a.

II

Predmetni postupak nabavke proveo se putem konkurentskog zahtjeva za dostavljanje ponuda.

U predviđenom roku za prijem ponuda 15.11.2017. godine do 13 sati) za LOT 1 u Agenciju za sigurnost hrane Bosne i Hercegovine je zaprimljena 1 (jedna) ponuda.

III

Obaviještenje o nabavci je objavljeno na portalu javnih nabavki broj: 365-7-1-25-3-49/17 dana 2.11.2017. godine.

IV

Ova Odluka objavljuje se na web stranici Agencije za sigurnost hrane Bosne i Hercegovine www.fsa.gov.ba istovremeno sa upućivanjem obavijesti ponuđačima koji su učestvovali u postupku javne nabavke.

V

Izvještaj o provedenom postupku nabavke će biti dostavljen Agenciji za javne nabavke Bosne i Hercegovine u skladu sa članom 75. Zakona o javnim nabavkama („Službeni glasnik BiH“, broj 39/14).

VI

Ova Odluka stupa na snagu danom donošenja.

Образложење

Odlukom broj: 01-1-16-3-1532-2/17 od 13.09.2017. godine pokrenut je postupak javne nabavke roba pod nazivom: „Nabavka kancelarijskog materijala LOT 1 i Nabavka tonera LOT 2“. Komisija za provođenje postupka javne nabavke imenovana je Odlukom direktora Agencije broj: 01-1-16-3-1532-3/17 od 13.9.2017. godine.

Postupak nabavke proveden je putem konkurentskog zahtjeva. Nabavka je podjeljena u dva LOT-a. Kriterij za dodjelu ugovora je najniža cijena. Shodno Odluci o pokretanju nabavke procjenjena vrijednost nabavke za oba LOT-a bez PDV-a iznosi 12.264,00 KM. Procjenjena vrijednost nabavke za LOT 1 Nabavka kancelarijskog materijala iznosi 7.264,00 KM bez PDV-a.

Obavještenje o nabavci objavljeno je na portalu javnih nabavki broj: 365-7-1-25-3-49/17 dana 2.11.2017. godine. U skladu sa Upustom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15), predmetna Tenderska dokumentacija objavljena je u sistemu „E-nabavke“, te u skladu sa članom 9. stav (5) navedenog Uputstva upućeni su pozivi za preuzimanje Tenderske dokumentacije u sistemu „E-nabavke“ koji odgovara zahtjevu za dostavu ponuda iz člana 88.stav (1) Zakona o javnim nabavkama („Službeni glasnik BiH“, broj 39/14).

Do roka za prijem ponuda, sljedeći privredni subjekti preuzeli su Tendersku dokumentaciju iz sistema „E-nabavke“: BBS Europe, ekapija, Defter d.o.o., Net d.o.o., Printex, R&S d.o.o., Compex d.o.o., Famis d.o.o., Ekoprint d.o.o., Primaprom d.o.o., Plan Plus d.o.o., Svjetlostkomerc d.o.o., Antonio Commerce d.o.o., Futura Multimedia d.o.o., Xenon Forte d.o.o.

U skladu sa Tenderskom dokumentacijom i Obaviještenjem o nabavci dana 15.11.2017. godine sa početkom u 13 i 30 održano je javno otvaranje ponuda. Na javnom otvaranju nije bilo prisutnih predstavnika ponuđača.

U predviđenom roku za prijem ponuda (15.11.2017. godine do 13 sati) za LOT 1 u Agenciju je zaprimljena 1 (jedna) ponuda od ponuđača DEFTER d.o.o. Sarajevo. Po završetku javnog otvaranja zapisnik je potpisan te putem fax-a isti dan poslat ponuđaču koji je dostavio ponudu.

Komisija je u punom sastavu na zatvorenom sastanku izvršila pregled i ocjenu ponude. Komisija je utvrdila da je ponuda ponuđača „Defter“ d.o.o. Sarajevo, kompletna i prihvatljiva, te da su dostavljeni svi traženi dokazi propisani tenderskom dokumentacijom, na propisan način. Slijedom navedenog Komisija je jednoglasno dala preporuku da se donese Odluka o izboru najpovoljnijeg dobavljača „Defter“ d.o.o. Sarajevo iz razloga što je Komisija jednoglasno utvrdila da je ponuda kompletna i prihvatljiva te da sadrži sve elemente tražene tenderskom dokumentacijom.

U skladu sa članom 89. stav (3) Zakona o javnim nabavkama („Službeni glasnik BiH“, broj 39/14) propisano je da *kada ugovorni organ dobije jednu prihvatljivu ponudu, dodjeljuje ugovor tom dobavljaču i to najkasnije u roku od 10 dana od dana okončanja postupka javne nabavke.* Ovom Odlukom prihvaćen je prijedlog Komisije. U postupku donošenja Odluke posebno su ocijenjene činjenice da je Komisija za javne nabavke pravilno i potpuno dala ocijenu prispjele ponude kao i da je izbor najpovoljnijeg dobavljača izvršen u skladu sa



Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba ugovornom organu u roku od 5 (pet) dana od dana prijema ove Odluke na adresu: Kneza Višeslava bb, 88000 Mostar, u pisanoj formi u tri primjerka.

DIREKTOR

mr. sci. Džemil Hajrić, s.r.

Dostaviti:

- *Defter d.o.o,*
- *www.fsa.gov.ba,*
- *u predmet,*
- *a/a*

